

程
侍
郎
遺
集

程侍郎遺集初編卷六

歙 程恩澤 春海著

豐樂溪圖爲吳雲蒸明經作

竹樹圖書共一村樵夫談道女能文最憐日午東風醉

十里溪花染白雲

春來桃花最盛

軒冕高華德業尊幾多名輩托衡門催租舊券澄心紙
半是容臺屋漏痕

一雙牙管餘清在十二珠樓舊跡燕曾記豐溪談燕事

萬梅花裏望天都

老樹周遭曲沼明
疏花細竹遶籬生
分明一覺江鄉夢
只少泉源徹底清

黃霽青太守自潮州寓書來並寄二律次韻答之
君宦東南天地閒
我行病暈困江關
每當藥鼎煎熬夜
輒憶詞壇突兀班
賢守神明知肉攫
長官清潔感珠還
如何忍厲投簪志
急爲薤鱸返故山

聞君曾掾鵠亭灰
陰德如斯合再來
寄遠勞勞頻付雁
登高草草一銜盃
魚龍影裏知交散
鷺鴨聲中將帥回
快讀摩圍好詩句
滿腔愁思豁然開

題周穉圭前輩金梁夢月詞

綠酒初嘗元獻醉月華如練范公吟
由來將相兼才調
不是吳兒木石心

高才延已近端已小令中唐溢晚唐
更用騷心爲樂府
漫天哀豔李重光

澀體清真掩抑弦飛騰石帚五通仙
君能併作洪鑪鑄
更把餘金範玉田

鏤雲縫月具心裁不是莊嚴七寶臺
竹屋梅溪都抹倒
故應平晚賀方回

平園大集冠中州豈止贅漁玉笛秋十里珠簾千步柳
卽論談笑亦風流

仙山菴草已辭根塵夢稠桑欲返魂雲錦鳳羅都涇徧
萬行情淚哭天孫

難賡春月夫人調怕讀微雲女壻書憶向紅牙雙顧悞
當年公瑾定何如

月嬌一硯費擗攬我亦偷聲學里哇近就清空求妙理
不邀青兕鼓銅琶

題彭春農學士待漏圖

面目若刻畫音吐如洪鐘長身玉立清且雄文章翰墨
紛填習是宜承旨明光宮五更雜唱金闕皎九霞日出
觚稜紅論思春殿何春容堵牆學士咸鞠躬問知家世
承三公燕許手筆高岑風當年曾假貽厥力此日爭仰
雲門宗是宜聯華屬車中拄笏直接甘棠崇何爲忽作
六月息並欲塞兌成癡聾禁鐘官鼓久不聽書山一寢
窗瞳矐誰能奮庸亮天工 聖主側席求朴忠公飽經
術謀謨充驥首一顧凡馬空黃鸝三請春色濃願公夙
駕來花叢執御弟子希符融

題晉甘敬侯墓碑

玉環碎壯侯怒雨褱橫槩不敢渡金櫃鳴敬侯驚改易
百官皆恣情同征華裴有三將敵知敬侯勇且壯况舉
義旗惟所向六師敗績周戴殂茂宏不終王室孤儻據
武昌劫以力必速太甲成幽拘社稷不移敵亦去何惜
老臣頭挂樹了無快劍誅王廙那有歐刀斬周慮君不
見雞籠四陵狐兔場甘家麥飯千春香於戲侯澤何其
長

題劉子敬大令牧羊圖

劉累能擾龍梁鰲解豢虎物媚養己者不使妄喜怒其
神其猛摯晏然臥堂無何況圈溷物赤手可循拊勇力
能化裁君略極雄武用仁不用略黽勉求治譜食少生
齒繁萬室同一苦譬如芻秣短齧齕不能普養民如養
兒如何缺其乳定知循政至天付好風雨原頭積芳艸
盜底蓄糜腐茁壯夕陽羣纍纍腹如鼓語其徬徨時晝
夜思所補藉非詩禮深焉能逆有睹不稔何山谷來迓
劉榮祖牧人有吉夢夢俗比鄒魯

白田懷古

李供奉聽鶯處

高臥香鑪峯迫脅上樓船

李黃公豈事秦

杜翻謫夜郎

天夜郎富黃鸝其聲爭管絃眾耳寂不聞馬上驚飛僊

偶然題一詩石破蒼苔鐫吟聲與鶯聲萬口天下傳白

田及烏江亦以詩千年浮屠何時建洞屋何時穿知否

公眼中有此巍巍然公來夜郎時譬在混沌前奇山甫

通道亂水不可沿樹石多於人日月眾綠纏奈有黃鸝

聲字字真珠圓朝啼桃花紅暮啼桃花蕩名士宮錦袍

美人歌舞筵藉以慰羈魂羈魂正纏綿至今樓上頭夜

夜聞杜鵑我來值寒臘鶯蟄江之隅恰如謫仙人埋骨

青山邊入洞出高閣俯睡萬井烟芳梅已爛漫官酒不
取錢折梅問桃花江干春可憐西南有聲來聲在高樹
巔瞥見白于雪乃是羣鷺拳乾葉枕禪榻疎鐘震修椽
畫紙含遠風欄影交平川卻顧鳳巢關想像鯨魚旋是
日墨雲合山山皆醉眠醉眠呼不醒中有李青蓮

重經白田

金精飛入井維西照見江波不貯泥壁上千詩張旭艸

唐書以裴將軍射張旭艸與公同傳

鏡中雙影莫邪妻

見公詩

誰家畫閣新

鶯轉料得龍池萬柳齊

公龍池聽鶯爲始遇白田聽鶯爲不遇

辛苦上皇

西內去繞枝都是杜鵑啼

淮南何事苦爭先

謂永王璘

罪到申公絕可憐

杜少陵有楚筵辭醴之句

況是贈金都斥謝若論仗鉞亦親賢至今江上看明月

共道樓頭有謫仙千古詩魂在盃酒匡山牛渚兩茫然

後人辨匡山辨夜郎皆徒然耳不足當公一嘆

兩京雖復未稱雄始信投簪浩蕩胸狂客揮毫輒國色

上公低首拜軍容

謂郭尚父

難堪宋璟巾巾淚卻憶龍標別

後鐘是處樓高宜縱酒爲君翦取最奇峯

啼鶯猶是古來聲中有新詩脫口成神劍白連孤月墮

宮袍紅擁萬花行
憐才欲殺皆知已
蹈海求仙豈近名
只有錦心銷不盡
死生終戀謝宣城

盤江鐵索橋歌

初疑長天片雲橫
天風鼓之掀不平
洪濤怒吼自南下
馬蹄人語空中聲
誰將六州鐵鑄此
千丈絙江頭老石
危無根兩山壁立
日月昏晝夜馳驟
雷霆奔定知有路
接霄漢踏破彩虹
才一半袖邊鷹隼
任衝突足底魚龍
倏凌亂一騎度心
搖搖百騎度不動
搖翼以兩欄何迢
迢有如綢絲橫暮
潮道是神仙長板
橋長板橋那可渡

別離愁挂江樹何如巨靈一擘去斷卻人閒坎軻路

馬場懷古

王與后以口計十八先生奮忠義招晉王來討秦十八
先生歃血新奇謀洩冤獄起十八先生同日死就中閣
臣吳自云執筆我最先欲以一死全諸賢諸賢求死大
呼嘯詩籌滿地酒滿醕爭騎箕尾上霄漢暮暮朝朝帝
闕叫興朝日月光照徹幽與微忠魂得諡如袞衣祇
今南籠一坏土牲酒芳潔松楸肥鄭侯我同里鄭侯名允元歆
人子孫知爲誰李侯有賢裔李侯名頌常州人其子孫曾賦三忠詩曾軒

三忠詩獨憐張與全

張內侍福祿全內侍爲國

臨難遭極刑遭極刑

名乃成古無璫侍稱先生吁嗟乎張先生全先生

神魚井懷古

噫噫乎公之大節不難殉潭州而難于殉大江之中流
其時左兵清君側逆跡未全露公稔知之不可奪投江
幸不死乃開府仗鉞招降十萬兵天乎人事一朝盡只
留一劍成其名瞿殉粵公殉楚編明史終兩號虎石齋
募師死於飛黃公不死於左而死戰場神魚之泉至今
天風吹之波不揚

黔西州署海棠曲

兩株偃臥如醉眠三株矗矗纖且妍中央古本逕二尺
不知摧折當何年西昌之香天下傳牂牁之香水西專
海棠無香唯蜀之西昌及黔西有香頗聞花史述花語花開覆座春風顛
深紅外衫淺紅裙更翦翠羽垂四肩大婦舞酣中婦倚
小姑玉立尤嫣然就中一種香可憐似蘭非蘭蕙非荃
閨妹粉汗乍霑漬繡幕人熏初試塞消人魂魄暖入骨
夢寐亦與花纏綿我來惜非豔陽天涼州不按檀槽弦
卻移銀燈照枝幹好影倒地殊嬾娟更撿殘葉嗅芳澤

花亦笑人情太堅繞花嘆息憶花態欲待來歲開瓊筵
何如才士與時拂閒關求者慳其緣荒江老屋儻一遇
先約梅花輸聘錢

泮水道中

密筱依村曲修梁逐水回日斜高柳得天闊遠山來民
獠同耕堡雞豚溷乳胎胸中有巴蜀圖畫若爲開

本蜀地割

人舊曾到蜀故云

康蘭皋中丞行年圖二十四首

鯉庭學禮

公十一齡卽學禮入鄭孔室見根柢口講手畫堂上喜
萬卷皆匯古淹中公讀書法以一經貫羣書修國治身何隆隆年垂
耳順未釋恭

風雪歸帆

孝子之淚溢江水江流嗚咽二千里天亦助哀風雪起
何堪丹旄犯怒濤恐驚靈爽不敢眺檣烏凍墮偏嗷嗷
山陽倚寓

廉吏之子感數奇歲暮囊罄將何之丹沁阻我交流澌
卜居難得近盤谷卜窆難得隣王屋人極艱處天所福

彭門負笈

司徒早識彭祖奇以黃叔度爲之師學有經術通知時
此後粵東說勳政一賢大府一大令識力皆自講堂定
金陵求友

姚比部文宗震川公以雅管薪其傳輝映儕輩麟麟焉
名流自昔重求友集思廣益成巨手難得北海不空酒
謂茂園先生

蹇驢赴試

經義詞賦俱第一誰家年少五色筆走詢知乃弟若姪

父老爭迎謝客歸可憐公子大布衣鞭絲得得來尋詩

春雨課耕

秦渠所漸畝一鍾先生自署識字農既耕且養娛春風
安能獨先天下樂蒼生日望深源作太行之雲出幽壑

圪圍射獵

環河帶沁圪勒圍獵騎出林刀槩飛公運火器如發機
區區麀肋奚足掙聊復鍊此英雄骨射虎詩成醉明月
禁垣同直

藥崧風骨宜星曹况得季英杵臼交

謂吳見樓方伯

宮花紅對

鵲鸞巢平生契友數張劭鼓枹湘江又同調當年太傅
知二妙

夜燭泊書

不喜讞獄必能讞心平不欲才力顯事平不受毀譽轉
十年五夜燈燭紅民命一綫懸當中至今海內稱何公
用何比
干事

蕭寺聽琴

夕郎荷囊給事歸往往酩酊笙歌園先生舉袂一笑麾
獨尋蘭若坐清晝要聽朱絃出深透宦况蕭寥比雲瘦

遼陽扈從

興 盛兩京天所臨東出山海遙且深 聖日蒞止

上帝歆 締造艱難 神武廓侍臣擬和瓜縣作

更擬點竄桓與酌

木蘭隨圍

聖人臂弓入三驅矢連六熊雙於菟裘長捧潼駭且趨
近臣四扈木蘭 蹕曾策駿馬逐禽逸歸來獻賦說
捏畢

榆關持節

前席奏對動 聖聰試以案獄課厥功平反遂至榆
關東河可塞兮冤可洗兩度秉節 天顏喜方叔召
虎其選矣

薇垣仰屋

皖民嗷嗷待公哺公飢公渴以身赴士歡而輸民則餽
謹其筦籥不取餘三載封椿連屋隅天下方伯宜師諸
公藩皖三年積鏹至七百餘萬
以不取平餘謹其出納之故也

皖江迎養

帝知公孝問公母謀及迎養

帝寵厚自潞達皖一

帆走人生何者爲親榮能致

帝問榮莫京是子非

是母不生

御園待漏

灞皖并作中和樂聲聞於

天公錫爵介圭入

覲趨五柞頗牧十年居禁中別來苑柳何蒙茸日高天
語何春容

瞻園懷舊

公知貢舉駐白門賓主曲讌喧瞻園昔聽鹿鳴曾隔垣

公讀書瞻園曾見典
試監臨兩宴於此

書窗老樹遽如許師友蒼茫那復

聚昔日茂才今大府

射圃角試

公通韜略工擊刺慨然謀國修武備日督山河子弟試
此意得之古范韓况當江淮屏蔽間至今走卒多陳安

澤託治下
故稔知之

桐陰課讀

家法讀書兼蔽菜日陳經史北面拜覽舉養炬殊可愛
綠陰如水翔鵷雛磨祖之硯讀父書瞻園佳話其繼乎

錦幄娛春

蒔梅刪竹疏流泉一屋花氣蓬蓬然太夫人坐東風前
象簡導輿子孫迓慈顏一笑壽觴瀉明日哺烏滿鈴下

庾嶺補梅

大阮栽花小阮補月明鋤破玻璃土春滿嶺南連北戶
公以威重鎮海疆都道廣平鐵石腸豈知賦筆溫馨香

自營生壙

漢逸人趙作達者唐司空圖慕其雅惟公別具深意也
公以湛然知止心眷戀二親求諸陰料同穿壙文貞枕

焦山度歲

先生風義古所無奉遺命立外家孤緣自河內東趨吳
崢嶸殘歲風雪作避俗乃臥松翠閣揚州那識橫江鶴

題吳蘭雪廬山紀遊詩後

瀑乃有源水必觀水所都山頂藏天瓢傾倒出天壺初
如玉龍翻曲折無所趨擲地脫鱗甲化作千琲珠又如
天女衣出曝當時暉素練皎無紋白雲飛上機忽爲日
氣侵文采雙虹霓靈妃顧之笑天風生石竅誰將金錯
刀迸裂琉璃罩須臾補無跡倍覺天手妙依舊玉龍翻
鼓怒爭叫嘯依舊天女衣徊翔添綽約石亦何齒齒樹

亦何蒼蒼窘束一綫微布瀉千丈強高者飛作雲下者
滙爲水雲飛總還山水深那見底一峯通一峯峯峯見
首尾首尾誰能尋須上最高岑公乃振金策窺見太上
心卻笑李謫仙低頭下界吟峯峯可觀瀑黃巖乃爲勝
其源湛湛深其流浩浩競出險彌覺平積弱乃生勁排
空勢轉矯受采體逾淨譬若韓杜詩橫逸任所爲萬卷
作源流頓挫成漣漪兼有眾派長酌以無當卮我公今
詩仙復得山水助示我觀瀑詩玉骨當秋露吸取韓杜
神出以華妙句我昔到匡廬苦未躋其顛灑落冰雪容

僅探馬尾泉今宵仰天宇
喜見銀河懸夢不到蠡湖亦
到銀河邊

詩餘

蓼花

調寄浪淘沙

一穗一秋痕岸側離根水天多少夕陽魂併入露枝風
葉裏紅顫黃昏鷺宿更鷗屯簇簇紛紛落帆沽酒對
斜門正是晚霞魚尾赤圖畫江村

酬潘公子星齋

調寄眼兒媚

萬花深處五雲多新雨昨如何黃鸝三請丰標公子且

駐鳴珂 瑯玕碧裏留清響知是鳳來過它年簪筆吾
廬可愛人影風荷

葫蘆

調寄沁園春

嗟爾葫蘆蔓縛絲繁當門獨懸似歌來張裔內粗外潤
鑽將屈轂口實肌堅盛火斯焚安簣失響邇有青田蜜
汁鮮知何用只蠻天覆大配箇槃圓 趙州土壁東邊
甚井絡雙眸斷復連嘆文人贈答難裁筆管道人留飲
久失醫篇胡廣藏身征南病頸枉被人嘲拗且偏江湖
上看大樽五石空腹枵然

牽牛花

減字木蘭花

柔藍一架小摘銀河秋影下莫是黃姑配得匏瓜獨處
無金鈴鼓子喚盡芳名渾不似輸與郎誇世上原無
織女花

鳳柳

調寄望海潮

何年翠鳳婆娑九尾翮然來集幽深眠重醒遲雨多晴
少無煙亦自沉沉山曲水之陰有畫橋橫路香絮盈襟
一面風偏欲隨驄馬度遙岑天涯別恨侵尋正當睂
憶黛理綾停鍼思曼纏綿小蠻旖旎春來事事難禁人

影倚樓心悵秦雲似棧蜀嶺如鐔露白霜紅爲誰憔悴
到而今

潘星齋公子藤花吟館圖

調寄念奴嬌

玉郎華屋正東風吹送紫香雲裏人本纏綿花本豔醞
釀一庭紅意玉手揮毫翹鬟照墨字字聲聲媚渠儂口
朐綠鸚歌罷能記最是小晏情深少遊才治肺腑眞
珠纍細碎篇章傳誦徧繡入吳娘袖底名士傾城搓酥
滴粉貴盡長安紙虬枝覆處畫簾人影雙倚

題閒看兒童捉柳花圖

調寄疎影

搓香捲雪正緒風款款簾外初起黃口酣嬰巧奪狂追
相逢欄角花底縱教盈把知何用熨不暝鶯雛燕子歎
晚來高下西東都入麴塵春水 獨有青楊詞客愛風
景韶麗吟望閒倚何太輕盈如夢如雲惱亂揚州十里
儻無捉搦誰珍惜轉忘卻謝家詩美忽一時撲面紛紛
恰趁唾絨窗啟

九月十五夜登越秀山看月次吳石華韻

調寄水龍吟

些些雲縷都無不知誰掃秋河際天容山色涵清混碧
煙中有水風定尤明夜深全白一空林翠想萬家清夢

鎔成露氣把樓閣扶將起 客是不眠吳質登吟肩玉
壺三洗小謫人間舉盃能說廣寒前事海上琴聲一彈
誰和美人千里正窺簾的的素娥單獨似敲還睡

圓圓小像

楚畹柔香戚畹嬌香天然素華甚藥師紅拂相逢越第
押衙沙叱奪返韓家君父恩讐英雄節義付與傾城一
笑譁寸腔裏有柔情一點誤了生涯 三姝豔若朝霞
說四面菩提八面花想騶虞茵上同心並坐虎鶯屏畔
六嬖爭誇晚節超然看人墮落不向侯門走鈿車梅邨

曲縱千金購燬尙有箏琶

題吳鴻生中翰閨重九雅集圖

兩開叢菊算人生難值閨秋重九小集蘭臺推茂灌少
盡簫簫多又楚壁詩痕燕山墨雨圖畫天開牖范家研
暝摩挲今向詞友側想二陸高居蒼茫雲樹滿座題
糕酒七十年來鴻爪雪付與武昌官柳桐葉能知茱萸
再把采筆還依舊西風落帽訂交都在杵臼

用吳季英事

題成蘭生太守西湖照影圖

磨月成銀拓山函鏡花柳放出空明葑雲銷盡一碧盪

秋晴憶白鄴侯照後蘇和白詩影縱橫能來者先盟鷗
鷺舉手濯吾纓 高名人競羨冰壺洗魄玉磬儲精任
綠水青山坐嘯飛行莫認淵魚俯察心印處珠定波平
興歌好西湖誰比比似長官清

桐縣

調寄念奴嬌

綠瓊枝小白絨絨非雪非花非絮金井玉闌黏欲徧昨
夜露華疑雨傳粉難漚吹香不定恐逐西風去纏絲宛
約令人情緒如許 最是么鳳憎寒妒羅襖暝應有安
巢處裏住離心縈著恨不放一秋先度月熨初平雲篩

正膩惆悵吳娘杵
裝衣夢遠幾回錯
撫庭樹

程侍郎遺集卷六

譚玉生覆校

程侍郎遺集初編卷七

歙 程恩澤 春海著

釋彗

彗者何本類星末類彗故謂之彗彗無光傳曰而爲光故曰東升則西指曰西降則東指其光有竟天者故曰長星其質乃五星餘氣所化故備五色數不過五其行有本行故能遲能速其體麗月天近人故於人事易感召其應以出久暫芒長短行遲速驗事大小禍深淺大抵一月準一年二月準二年三月準三年或云無百日

程侍郎遺集卷七

不沒之彗然占書史志有二百日之說也其氣能幻故或化雲或化霄霞其氛先附於日輪側故五寅日以鑒水鑒日可決其現否其相似有字有機槍有蚩尤旗有王蓬絮孛體則圓也氣四出也機槍則佶絮毳竒也蚩尤旗則類彗而柄曲也王蓬絮則散糅若絮或有芒或無芒行甚速一夕能歷數次舍也夫星氣變怪其本皆在下而發現於上譬人膚肉生疽癰其根柢皆伏藏腑也雖占驗尅應符其時或不符其地符其地或不符其時或俱符俱不符然其爲不祥則靡不符也亦有不符

則人力能弭之或謂彗在月天去恆星天尚六重氣豈能及譬若秦人惡越人向其方詛之越人豈聞知不知曰輪天居中與上下俱闔而眾曜皆受其光光能及氣亦能及矧彗傳曰爲光則烏容有闔哉故歷徵史乘識星變時與地相符者多不符者少人力弭之亦閒有譬若祝由疾剗殺潰瘍視醫高下而已然則王者受命宥天下觀先兆側身修省禁事銷患於未發其權固在已哉

肇十有二州說

堯典肇十有二州馬鄭注及晉書地理志皆以爲在禹
功後漢書地理志谷永傳皇甫謐帝王世紀宋書州郡
志皆以爲在禹功前案下濬川之文則在禹功前之說
是也禹貢云九川滌源九澤旣陂臯陶謨云予決九川
距四海濬畎澮距川蓋禹功告成之後其利可百世豈
甫疏鑿卽又有濬通之役耶漢書地理志云堯遭洪水
懷山襄陵天下分絕爲十二州使禹治之水土旣平更
制九州帝王世紀云堯遭洪水分爲十二州今虞書是
也及禹平水土還爲九州今禹貢是也其言甚晰足正

馬鄭之誤蓋舜居攝巡狩時水土未盡平正禹致力之
際故曰濬川逮功成後乃分九州山川澤藪皆以九筭
勒爲成書以告後世直至受虞禪後未之改也或引鄭
注肇始也爲難則應之曰十二州肇于堯不肇于舜且
大傳肇作兆說文作兆鄭彼注云兆域也爲營域以祭十二
州之分星蓋巡狩必祭山川兆星封山皆祭義肇不作
始解則十二州仍堯之舊蓋非舜所分可知也十二州
之名曰冀曰兗曰青曰揚曰荆曰豫曰梁曰雍曰
營曰并曰幽馬季長曰舜以冀州之北廣大分置并州

燕齊遼遠分燕置幽州分齊爲營州鄭康成曰舜以青
州越海而分齊爲營州冀州南北太遠分衛水名非地名爲
并州燕以北爲幽州馬鄭之說蓋取周禮爾雅成之幽
州有醫無閭并州有恆山營州上應營室皆可據故舉
十二州之名當從馬鄭以十二州在禹功後當舍馬鄭
別求三山以足五嶽四鎮成十二山以配十二州則書
缺有閒馬鄭所不能也

論承重孫婦姑在當何服荅祁淳甫

承下問承重孫婦姑在當何服經與律俱無明文並引

顧亭林方望溪之說判其同異具見閣下讀書心細古人所略者澤何能知姑卽所見及者奉荅案承重孫婦服當從夫並不計姑在與否也唐律云婦爲舅斬衰三年其夫爲祖後妻亦從服婦爲姑齊衰三年其夫爲祖後者妻亦從服祖姑政和禮書儀家禮皆遵之至明會典改婦服姑同於舅今通禮遵之是承重孫婦服當從夫著於律已久况承重者荷爵土之重父歿固承父未歿而廢疾亦承其婦從夫而服與姑同亦何嫌哉且姑自服其應服之服耳婦自服其從夫之服耳彼承重不

嫌於父豈同服遂嫌於姑哉夫承重者承爵土之重非無形之物也周制封建曰親親曰尊尊故承爵土者雖諸父不敢先之而其歿也其父爲報服斬衰三年若施之後世則駭矣今封建廢已久惟世襲者尙可言宗法言承重若大夫士庶家一遇大故其長子不幸死輒引長孫加於諸父之上曰吾行古禮此宋以後拘儒不達世變之所爲也若唐以前尙有解此者故晉侍中庾純云今五侯有爵土者其所防與古無異重嫡之制不得不同至於大夫以下旣與古禮異矣吉不統家凶則統

喪考之情理俱亦有違然則律文何以著承重之服蓋
封建雖廢承爵土者則代代有之律文蓋爲承爵土者
發也然則士庶家何以行之曰此由墨守家禮而致誤
也家禮非朱子所作白田雜著辨之甚明承重已失禮意其婦之服當在
不議不論之例除世襲言若宛轉從俗則唐律以下所著甚
明可覆案也管蠡之見輕議禮文恐不足備方聞採擇
惶汗惶汗

狄未穎孟子編年序

言孟子者有五誤趙岐孟子題辭鄒本春秋邾子之國

孟子時改曰鄒非魯也今鄒縣是也又曰孟子魯公族
孟孫之後子孫衰微分適他國是孟子本魯人而實居
鄒不可謂鄒卽魯也乃譚貞默編年略以爲鄒卽孔子
陬邑誤一司馬貞索隱孟子卒於周赧王二十六年壬
申年八十四依此逆推則其生當在烈王四年己酉乃
索隱謂在定王三十一年聽雨紀談作三十七年闕里
志又作安王十七年誤二竹書紀年梁惠王後元十三
年齊封田嬰于薛十月齊城薛卽孟子所云齊人將築
薛也是年爲周顯王四十六年孟子在滕經有明據乃

金履祥通鑑前編季本事蹟圖譜謂孟子遊滕在赧王
元年去齊之後誤三紀年梁惠王三十六年與諸侯會
于徐州以相王於是改元稱一年又十七年而薨孟子
至梁在惠王後元末年年已五十餘故稱王曰王而王
亦稱孟子曰叟各從其實也乃史記謂惠王三十五年
孟子卽至梁通鑑綱目從之又參用竹書謂襄王元年
始去梁凡在梁十八年誤四國策齊宣王合章子將五
都之兵伐燕三十日而舉燕國與孟子合此赧王元年
事也取燕燕叛孟子之去宣王之薨並在是年大事記

朱子綱目明白可據乃黃氏曰鈔謂伐燕有二前伐燕
在宣王後伐燕在閔王孟子集註又謂齊破燕後二年
燕始叛說者因據以爲孟子後事閔王之證誤五有此
五誤而孟子之里居生卒出處先後不可究詰矣溧陽
狄永穎先生起而正之闢諸謬說歸之一是而後亞聖
之生平如燭照數計於戲可謂有功於聖賢之門矣先
生所著孔子編年其精核賅博遠勝胡元任有識者能
辨之然爲孔子編年尙易爲孟子編年卽淹雅如閻百
詩亦謝不敏甚矣書缺有閒令人嘆生千百世後之難

爲學也先生著有四書補闕行卽授梓合之兩書其有
功於聖賢之門甚偉夫著述至今日幾幾乎人握珠家
抱璞而有功於聖賢之門則不多見卽謂先生爲聖賢
之徒也可

癸巳類稿序

吾里學派自江戴昌之金程承之其緒蕃變率以治經
爲宗都說經鏗鏗尤善治史部則有吾師凌次仲先生
與師角立不倚則有吾友俞理初先生凡學無門逕則
雜雜則經學涵漢宋天文學涵推步占驗執一則隘隘

則暖暖姝姝悅一先生之言墨守訓故甚且持古疾以病今理初先生憂之於是察兩漢門逕端其趨向於其歧則閉也復饋經史旁通諸子百家九流於其僞則剗也不甯惟是宋之亂漢易判魏晉之亂漢難判淄澠流合易牙能分之撫古人之愚若辨黑白乃益見古說之可信矣書缺有間箋疏脫訛徵之於諸子百家九流有時而窮則援及釋典道藏以爲助粃糠塵垢尙堪陶鑄矧其精者啟我質我不猶愈於求野乎然非先生受性精敏一覽便記又烏能宏覽博辨差擇助詮若是之廣

且大歟先生著述甚富未暇寫定今春應禮闈試受知
於王菽原主政主政薦剡未售急索其著述飲金棐之
葢欲以千秋身後名償俗耳目一第之榮也用心良苦
聞者感歎惜乎時曰稍相僅得十之三四耳記十年前
與先生篝燈夜坐偶有作述援筆立就引證賅洽退而
檢諸篋無一誤事誤言洵乎才學識有千萬人而無數
者書將就委序於澤澤學術謫陋焉云知先生然私幸
竝世見一傳人引吾里江戴之緒且未有艾也

癸巳類稿又序

石癸已類稿十五卷吾友俞理初所著也理初負絕人之資篤好讀書自識字積髮素侵饋凡四五十年其善於始也能入其眇於終也能出叢籍城擁手繙繙不輟輟輒大半成誦地人名稱事回穴數載極見某度某冊某篇行語卽中是謂能入萃昔賢往事判黑白搖筆纒纒千萬言某可據某可桀某不可憑某宜斟也一篇中計疊簡不勝舉使起昔賢論往事亦領是謂能出出入之際無精心卓識果力則絢博而支絢斷而歧宋以後逮有明豈無博見彊識則徇虛車絀實用恆若斯也惟

識足以徹千古之藪辨足以息萬喙之爭富足以會古今之通明足以別真僞之溷然後縱橫勃窣底於是乃已故治經貴一也經牽於注疏則隘畔離於訓故則野援證典稱葦甲新意皆陶鑄秦諸書漢諸儒斯得之治史貴紛也讀未終卷遂持論則塞讀一史未他及遂持論則陋正窮乃稗稗窮乃注注窮乃金石全史醞釀歧說旁溢斯得之尤善言天象暨厯數以爲泰西法積精然豈三代秦漢人所豫解以某時厯衡某時法是非區分則三代秦漢人不能委其過尤善言地輿說方域以

爲中外同軌不道險今昔異履不詳憲惟殊方遐國人所忽必當察察則萬一可據爲攻戰之導也至於掌故之鉅名物之細聲詁之雅七緯三式釋典道藏素靈之奧景教之歧凡諸儒橋舌方皇者稱引首首如肉貫弗絲在櫛則又非恆量所能測識者也加以受性方直僞書誣古必辨魏晉儒改故訓蔑先儒必力辨邪醜正否嫉賢必齟齬辨嗚呼古心哉古人哉凡理初手成宏鉅書不自名者甚夥年過六十而聰強審密不億其著作未可涯此冊斷自癸巳年故曰癸巳類稿刻成索序於

予予讀之甚慚也爰就所窺及者誦之其諸廣邃以俟
大雅

金石題詠彙編序

金石文字自歐趙著錄以後書不下百種而裒其題詠
爲一集則自甘君實庵始或曰詩以道性情至詠物則
性情紉咏物至金石則性情尤紉雖不作可也解之曰
詩騷之原首性情次學問詩無學問則雅頌缺騷無學
問則大招廢世有俊才洒洒傾倒一時一遇鴻章鉅製
則膏然無所措無它學問淺也學問淺則性情焉得厚

况吉金多三代物其文字與經表裏可補經闕樂石之
最古者與金同其文字與史表裏可補史闕宋人棄訓
詁談義理自謂得古人心不知義理自訓詁出訓詁舛
則義理亦舛又史傳年月官系之紊非碑碣不能證譬
若羣子姓議祖舊忽引一數百歲人在側啞然指其妄
而議者紛紛退矣然則吉金樂石之有關於經史如此
宜其自唐宋以來題詠不絕至我

朝尤盛也况訓詁通轉幽奧詰屈融會之者恍神遊於
皇古之世親見其禮樂制度則性情自莊雅貞淫正變

或出於史臣曲筆賴石之單文隻詞證據确然而人與事之真偽判則性情自激昂是性情又自學問中出也顧金石題詠散在各集非藏書家好古士不能輯則寶庵之功且出歐趙外矣余反復檢閱欣然序之時道光十一年八月中泚

泰階六符後序

壬式之學失傳久矣明張仙槎得真訣於孫南峯遂傳姚少師之學所謂以支爲體以干爲用者也干能使支支不能使干猶陽能使陰陰不能使陽不明遁干則分

毫無取驗理會門之外如五變中黃經玉藻金英照心
神鑒經直指析義等書俱能發遁千之覆然用遁千是
矣未嘗專用遁壬用遁壬因而六之則自先生始是書
也探源於伍相范大夫而文之以東方大中縱橫勃窣
九變復貫鉅析類神至纖至悉射覆責丁若捕盜之用
遊魯至其文采吐屬蓋遠超金匱玉衡龍首之上下視
漢唐以來附託之書不啻培塿矣先生續學嗜古無所
不窺尤好闢天人之祕此僅騏驎一毛耳然聞先生居
恆晨起必焚香占一式有求者則盡其求乃止著有奇

驗布在人口澤識先生於楚南論占之暇必及壬式且
言是書體例作意時勿遽未及索讀也今先生歸道山
五年矣嘉嗣鏡海前輩出此見示並屬序於澤豈不以
澤千慮有一得然澤維管公明別傳云術數有數十家
其書有數千卷然而世鮮名人皆由無才不由無書是
則先生占驗之神才爲之也徒書云乎哉道光十年歲
在庚寅日干辛支卯月將在子加酉占款後學程恩澤
拜撰

太原王氏族譜序

王氏巨戴有三曰瑯琊曰太原曰京兆瑯琊太原皆出武城侯離離二子曰威曰元元瑯琊祖之威太原祖之漢魏六朝瑯琊之望最著於是太原之偉人巨公往往混於瑯琊唐一朝王氏宰相凡十三人瑯琊得其四京兆得其二而太原得其七是太原之望於唐尤甚榆次於古爲太原郡屬榆次之王蓋自受氏以來未遷徙者也宜有譜然世遠著錄竟少王氏孫世居榆次有裔長先生者慨然曰自吾十三世以上吾歷歷可指數若再上則無聞焉及吾身不著錄則日月益逝並此十三世

將澹忘之故吾作譜斷自十三世始吾見某族某譜與
史傳悟者有矣與碑碣悟者有矣官不辨制地不辨沿
革聞疑稱疑廁以附會是重誣其祖也吾何敢吾甯紀
於近也恩澤於先生之子蘭圃大令爲亞聞先生之言
如是於戲是於敬宗收族之道庶幾矣夫太原之望本
巨其中更世遠文獻不能徵遂紀於近蓋其慎也昔老
泉蘇氏作譜僅及其高祖且自謂益州長史味道至其
高祖二百有餘年其閒世次皆不可紀今先生乃能及
以上十三世不可謂不幸也况作譜以後其昭垂於後

蓋無窮哉

遊香雪海記

吳郡以西之山蜿蜒磅礴若鼎峙而林列惟具區實吞之而不能盡若雜置大小石於庭而引水灌之其狀或出或沒或仰或俯或環或缺人咸知湖之盪乎山而不知山之竅於湖也竅於湖故愈近水愈靈秀殊異當湖山之奧曰香雪海山固多梅梅根飲於湖而花醞釀於雲上大江南北以梅著者無與香雪海比尋梅者以不得至香雪海爲憾甚則一涉其涯而不見多梅於是香

雪海且負謗道光十年二月下泮陳玉生觀察招梁芷
林方伯汪寅禾編修及余爲香雪海遊余謝不往觀察
詫曰君素豪於遊無君不樂也笑其辭余曰前數日曾
一至不見梅登高眺之則數十株廁桑林間乃詢海之
農云若梅何時可盡放則應曰盡放矣然觀察強聒不
已方伯亦使伴促登舟余踉蹌去是夜北風號怒雪嫵
嫵下客皆噤噤不成寐昧爽泊光福司起覩篷窗隙則
霽光皎然觀察曰天且假人倘花亦若是耶遂乘筇將
徑抵香雪海詣司徒廟觀四奇樹於是昇者譁曰欲觀

梅乎須至菖蒲潭及潭西乃至菖蒲潭彌望十數里若
明雲屯積時驕陽乍升芳馥溫鬱中人如醇酒至潭西
鐵榦桀立丹者碧者縹者色相糅者如以錦綺裹
虬龍愈擎攬愈媚媚香益酷烈順風聞數里外觀察乃
揶揄余曰若非香雪海乎海固不可一地限也君目中
之海何其隘吾意中之海抑何寬耶遂登六浮閣復赴
蟠螭山山斗入湖湖在几席下乃食於鄧尉山之還元
閣登鐘樓歸途經潘氏園入舟乘夕照歸櫓聲穿叢綠
閒山光水態益明益來時暝無所見也是役也攬湖上

之山佛螺帝青若煙點著明鏡上則蟠螭最自萬梅影
中掬湖光於掌上則六浮閣還元閣最花天然而夥則
菖蒲潭最畦瑰畛寶各競姝麗則潭西最憑高下視使
疏花面面規帶則香雪海最惜哉易梅以桑使數百年
舊柯寥落不及十一也於是余十日閒雨至香雪海矣
令香雪海幾負謗者予知香雪海之勝而徧及者亦予
然非方伯持之堅觀察行之力則不奪於人言亦格於
天時矣遊小道也不親履則不易知親履之而尙得其
一遺其十矧大於遊者哉因益歎余之憤憤而服方伯

觀察之去人遠也三君子皆有詩予因序之

重濬北湖記

郴州北郭外有湖曰北湖唐永貞初韓文公由陽山貶所量移而北待命於郴所觴詠地也湖蕪絕有流涓涓出山礧敗畦賸圃交絡其側其窪處有舊形可規今刺史曾君慨歎湮廢導泉成沼列植木草闢堂三楹拓堂以庭環庭以欄楯令可俯瞰沼堂祀文公而以張員外署李使君伯康配焉經始於道光六年春日落成於冬日以澤曾駐其地屬記於澤澤維公之待命於郴也由

貶陽山其貶也或以爲論宮市或以爲論關中天下根本遭逢旱饑徵斂不以急或以爲李實之譖或以爲公謗時政有泄其語於王伾王叔文章執誼者疑不能明也夫小人之厄君子也或罔以所必無或巉以所必有或陷以有與無之間然君子辨於是非或不受其誣轉相詰責則君子之身廢而其氣伸小人之術行而其惡暴惟其茫昧掩抑不言其過臨之以朝廷之怒奔迫之命則君子無可置喙而小人得以顯逃其鉗網周內之罪嗚呼術至此亦巧矣迨赦書既下量移而北猶復使

公鬱鬱居此則小人之朋未翦而其陰鷲沉毒仍欲以
茫昧掩抑相困阻使小人不卽翦則公之待命且無已
時也嗚呼術至此亦足以戚君子矣然公不云乎凡禍
福吉凶之來不必在我必曰君子則吉小人則凶不可
也不又云乎儒者之於患難苟非其自取之其拒而不
受於懷若築河隄以障屋霑是則公居邨三月餘盱衡
相羊快意於北湖之上極叉魚行酒賦詩之樂所謂築
河隄以障屋霑而與騷人秋士悲憤怨尤激而爲此樂
者固大相河漢矣且公之始貶也宜咎李實其待命於

榔也宜咎伍叔文蓋貶以貞元十九年冬其時李實方
幸而待命以永貞元年春其時伍叔文方幸然則北湖
者乃羣小人舉以貶君子而爲君子樂天知命之地者
也嗚呼後之遊者可以觀矣曾君名鉅第進士能文章
其治榔也有李使君之風其濬湖建祠也得李使君之
志不意千百年後尙有聯韓張李之交而令我文公傾
倒者也若是者不可以不記

重修有明何文簡公綽楔記

大清道光八年龍集戊子夏四月恩澤以試士來榔有

明何文簡之裔孫名某揖於途以文簡所著若干種進
且曰文簡歿有表其功若德而綽楔者石厯久將泐名
某等力任修修竣欲乞文以紀其事恩澤惟文簡以通
儒偉才敷厯中外所至侃侃其功若德著於史與自著
不待覲縷然其出處也以忠而善用忠也以學忠故出
處不私學故識卓識卓故見終始明當明世宗嗣位初
議大禮者始萌芽宰執百寮論未沸而文簡於萬里外
抗疏首爭皇叔考稱名之非而避漢宣光武管元之得
禮斥漢哀安桓靈之失禮若有以灼見世宗必遂其私

而後止者此其識不可及張桂勃興議禮愈支文簡發
十三難以折之然不可奪也不獲已以哭爭倡應者二
百餘而文簡廢此其忠不可及浸假帝興獻且去本生
號且考興獻矣且加皇伯考於孝宗矣且作世廟祀興
獻矣且躋興獻於武宗上矣而後知文簡始議以哀安
桓靈爲諷者之灼見本末不爽也而後知倡哭爭聲震
殿陛之不爲激也且也張桂之爭有所爲文簡之爭無
所爲無所爲則以禮事君而已引君當道而已有所爲
則希榮顯排異已不得君不已也是則張桂之議縱有

合於人心已失其本心而况所議之詭於時而戾於古
哉斯時議大禮者咸主濮議然宋英幼撫於仁與漢哀
同與世宗小異張桂窺其隙故其言易入而世宗之始
入也卽不欲暫處太子位故承太宗之說百喙若弗聞
若文簡之論則以漢宣帝不敢加號於史皇孫光武不
敢加號於南頓君晉元帝不敢加號於恭王則其識出
於主濮議之上蓋舜至孝也未聞加號 晉叟雖百張
桂其何能辨然張桂益以伸文簡益以屈張桂得君終
以垢文簡不得君終以潔千載之下莫不知文簡以忠

退而張桂以佞進也且夫臣之於君非休戚一體則不能強諫無真誠感人則不能聚其徒數百泣而諫當其諫也不知有刀鋸鼎鑊也然非真誠如文簡則諫而退者有矣不若是之激也惟激愈見其忠也愈見其以引君當道爲志而他無所冀也惟激則愈見其識也知張桂之炤曰烈世宗之心曰渝不棄其統與嗣背禮遂私不止也吾故曰文簡之忠本於識識本於學學無所不窺而尤邃於史故言成敗得失若指諸掌也是故其識卓其忠堅若視公家事如楚越君蹟而臣不扶者其見

唾於文簡必矣吾慕其學欽其忠僭書於此以爲來者
勸

孟縣修文峙閣記

孟縣形勝甲河內王屋迤其北大河亘其南溴水襟其
東周爲盟津晉爲河陽邑唐宋以來皆爲重鎮河清柏
崖無辟諸險要皆綦布境內蓋受扶輿之力厚故氣逆
順風聚散皆靈響若蒼焉吾友徐君勳治斯邑有年政
平而訟清穀穰穰山委綠以文字化其秀長者而邑父
老咸稱邑之東南向建鎖水閣後圯於河文運遂不振

斯言也然乎否乎夫十室忠信好學以成之其舉措足以運量造化人固不爲地囿也然而有舉莫廢實守土之責又河漢之閒使巍然峩然者居之上足以奉星辰俎豆下足以壯遠邇瞻矚所謂靈響若答者意在斯乎於是邑侯捐白金三伯爲之倡紳士宮樞等醵白金三千竟其功鳩巨工庀大材經始於乙未之夏斷手於丙申之夏閣仍三層崇五丈祀文昌奎星凡閱十五月頓還舊觀於是父老欣欣子弟愉愉弦誦之聲與大河聲相應風俗且比鄒魯曾科目之足言而人材蒸蒸蔚起

科目亦相尋而至理可參也此一役也可以不朽事成
索記於予予爲易其名曰文峙閣銘曰

河漢之閒傑閣峙焉以表我中渾而輝映麥山興廢舉
墜隆崇造天必起俊豪爲多士先

陶莢江先生崇祀鄉賢記

嘉慶十年閏六月某日安化陶莢江先生卒於里二十
二年夏四月湖南巡撫巴哈布公學政謝君楷樹以先
生祀鄉賢事具疏題請其年冬奉

旨俞允道光八年夏其哲嗣江蘇巡撫雲汀先生澍寓

書於恩澤屬記其事以恩澤曾任湖南學政知先生言行尤悉也恩澤惟古大賢負鄉里碩望歿可祭社必也秉純摯之性抱千百人之才其氣宏以剛其力峻以博於是乎氣足以舉事力足以任事人所不能爲不能強我爲之而必推及其至至則感感則明格乎天地而幽浹乎神鬼其生也名著其歿也道存是故孝庸行也先生之孝至於親病嘗冀感夢而親疾愈則孝至斂殮人所勇也先生之仁至於親畚畝躬坎瘞則仁至以行型於鄉以文化於鄉尤恐人心之不克勉先生則曲從形

家之言以遂其欲導其響貫絀不置病甚不舍疾風雨
不閒卒也形家言所因建者建而書院亦從而華整人
心所趣文業遂日盛非義之至烏能肩勞怨若是是皆
先生卓行犖犖可紀者且學人於治經史時有所謂天
文律筭禮樂名物分其一足擾擾一生而先生囊括而
并攻之發爲文若詩又雄卓深健楷模後生非蓄氣之
宏且剛用力之峻且博有不能爲不能强者矣恩澤使
湖南時凡湖南人稱篤行者方聞者必首先生言文若
詩若著述必尊先生之名溢於其鄉其道存卽其

神無不在也俎豆而尸祝之誰曰不宜古今鄉先生一行一言之修湮沒者不少惟磊落奇偉之士流傳於無窮且天必有所發焉以顯著其才若德今雲汀先生治江蘇宏績鉅畫不可殫述其任事也必推及其至則於先生之所蓄蓋能探其源而揚其瀾也是能使先生之名溢於一鄉而兼達天下也先生諱必銓字士升號莢江湖南安化人

潘少白文稿序

澤與少白山人交凡四載一日縱言至於文因出示大

著若干卷澤三復讀之窺其性情正功力厚也促付梓
梓成澤欣然序之其言曰無範非文也爲範以自盡非
文也形似而多規仿毗倚非文也清而無包孕非文也
夫文士之心與天地之心相貫其言皆人人所欲言其
言皆人人所不能言其言皆賢哲所未盡言然後其道
尊其藝傳是故狂文也狷亦文也正文也奇亦文也吾
於少白山人信之山人古狂者也負兼人才學與藝靡
不通足跡窮宇內政事人理物情靡不達於是由狂返
狷遂進乎道其爲文也探六經羣史諸子百家之奧涵

泳得義理損益得法度出入得鋒距於是由奇反正遂
進乎道夫神明於槩矐有範亦無範無所規仿毗倚則
可令古人似我包孕至厚則瀏然而清者愈見觀乎澗
溝之清與江湖之清殊江湖大波起則天地易嚮其激
也魚龍百怪隱現變幻不可迫視而清愈昭然矣蓋徒
狷無措施才徒奇無堅定志人知山人之狷而不知自
狂人知其文由正入而不知自奇出也使持此爲用世
資其運量詎可涯惜也潛處抱獨僅以文傳然而道固
在是此澤促付梓之意也

跋黃忠端楷書孝經墨刻

右黃忠端楷書孝經墨刻此庶人之孝也下增引詩云
我稼既同上入執宮功晝爾于茅宵爾索綯亟其乘屋
其始播百穀廿五字不知何所據其題首云孝經定本
似定本卽所據也按忠端著述有孝經集傳四卷以集
傳證之亦無引詩廿五字而右經一章下注云孝經舊
本凡十八章千七百七十三字石臺本皆依劉向所校
河間獻王得於顏芝之者獨標題差殊耳近儒皆疑四孝
俱有引詩而庶人獨否似有闕文又聿脩之義大雅所

告天子無忝之詩小宛以勸庶民欲移大雅以發天子
之端推無忝以起庶民之例於說亦通然於首章文義
未終於過節發端多礙小宛之賦雖通於庶民有慶之
義反疏於侯國又云凡孝經之義不爲庶人而發其自
舜文而下獨推周公以愛敬爲道德之原豫順爲禮樂
之實又云劉炫繆以閨門之語涵於聖經閨門之內具
嚴兄妻子臣妾猶百姓徒
役也古文多此二十二字朱子誤以聖人之訓自分經
傳必拘五孝以發五詩則厥失維均去古愈遠矣據此
則忠端不以庶人章增引詩爲然况舉詩以實之乎且

定本之說既不見文集又不見集傳蓋無所謂定本也
然經義考引朱垣之言曰忠端在白雲庫中手寫孝經
百二十本本本各別或者增此二十五字之本是忠端
未定論以前所寫歟

孝經有古文今文之分王劭劉炫紛紛聚訟見於隋志

主古文者劉知幾主今文者司馬貞彼此駁議見於唐

會要自石臺孝經用今文而古文遂微

石臺孝經卽然
唐明皇隸書

據黃氏曰鈔所載核之古文多闕門一章二十二字今

文無之其餘不過字句有增減章有分合耳卽晚出之

足利本其經文亦無大同異惟僞託孔安國注爲不足

信而今文鄭注是小同所作

嚴可均所輯孝經鄭注仍

通義則云小同

三國漢魏隋唐不見之本宋元明不能見中國

不見之本海外或見之茲按古今文及足利本皆無庶

人章增引詩之說則所謂定本者蓋不可信矣

吳草廬孝經定

本亦無此引詩廿五字

朱子作孝經葉誤爲此經添一改本吳草廬作孝經定

本又爲此經添一改本

吳少空傑奏唐陸宣公贊從祀

聖廟疏書後

聖門比天地壽載無不有也則賢喆忠孝文武俱宜入
有良限乎則唐人曾言之一爲抱殘經於兵燹幾墜之
際一爲有傳注功所謂代用其書垂爲國冑者然七十
子不必皆著作皆抱殘經何也曰親炙可弗論外此雖
賢喆忠孝文武不傳道俱不宜入此苟董揚而後所爲
落落也然則苟董揚何以入曰其立言中言語科故繼
入有韓昌黎繼入有陸宣公宣公仕孱朝觀庸主無赫
赫事功其立言則醇乎醇者也苟之言性惡激而爲之

後世尚有抵其隙者揚出處大節已胡獨以立言耳宣
公其董韓閒乎宜其千百載後達者發之禮官承之
聖人頷焉大抵漢宋大儒有傳注功方得入其見也拘
宋以後指心爲傳道雜以禪悅亦得入其弊也蕩而立
言以傳道其道也其文也則別樹一幟焉故必如宣公
乃可繼荀董揚韓而後非然則宜守唐人成議以峻聖
門良限乃所以尊聖道也

神龍蘭亭跋

定武爲歐臨神龍爲褚臨常談耳謂神龍中太平公主

借出摹拓遂亡者董廣川也然未曰爲神龍本謂宋理宗嫁周漢國公主於楊鎮爲報奩之物者袁清容也是神龍本之目權輿南宋閒矣此本筆趣洋溢具斜簪散髮之態實遠出穎上之右謂是宋摹拓誰曰不宜若泥暢字左頂逆折和字收筆內轉及貞觀神龍開元印纍纍然則是執牝牡驪黃衡千里馬矣

安玩堂藏稿後跋

右安玩堂藏稿文五十九首賦十三首詩二百四十首先大夫榮祿公所著也恩澤生十一歲而孤記就塾時

先大父手時藝授恩澤且誨曰爾父少讀書一再過卽
成誦不忘爲文析理用法至深邃通鄭學於詩三禮尤
精核爾未知其涯也言罷索欵又記曹文敏公語恩澤
曰尊甫學士背誦十三經並注疏琅琅然爲文縱橫變
化神明規矐業師王明府訓恩澤曰吾座主以韓柳筆
爲時藝尤妙解題能補漢唐宋諸說所未備恩澤稍長
謁法時帆丈謂曰尊甫文旣工絕賦律尤整細不踰唐
賢法詩無窮清新吾歛鮑覺生少司空以詩賦鳴謂恩
澤曰尊甫賦律追唐賢詩格追兩宋雅潔精鍊卓然成

家善乎吾座主曹文正之言曰尊甫與僕爲總角交同志同業能以實學發至慧識力才鋒俱峻絕故行文有宏逸之氣詩始喜門博似吳淵穎繼以清峭勝遂槩落陳言獨標雋旨惜乎年踰強仕遽歸道山平生貫弗羣經尤深詩三禮三傳未暇著述成一家言而僅以詩文傳矧橐艸又佚其大半耶恩澤不善讀父書習聞先師友所論因附識于簡末道光十有六年始校閱八月而成任其事訂其譌爲張石洲大令卽前序張蓀圃太夫子之文孫也十有七年夏四月孤恩澤識

題倉龍集

右成邸詩草一卷詩凡卅二內失題者二繡夫姊丈得
於令兄芝房處謂余曰成邸筆法當代之善鑒者稔知
之然無款印思滋後人惑也子盍爲我跋其後予伏讀
之下見有送吳祭酒錫麒還里詩者刻入詒晉齋帖見
有謝十色畫錠詩者則訓先大夫弄於予家得此二證
不必款印而斷其爲成邸無疑無疑者也况真草隨意
天機盎然逋峻之法全收黝黠之神亦妙較矜練時不
啻過之詩則五古得晉人意七古得蘇長公法律體兼

程侍郎遺集卷七

三

學雅堂叢書

初中唐而波及北宋其橫鶻捷出名論超雋則由學博而才贍位重而道高也且夫身處朱門而情遊江海地居枝昵而友接佳流懷抱之際尤難涯涘傳所謂雅道邁於東平文藝高於北海者庶幾見之矣先大夫曾遊梁苑頗甘楚醴投贈之句貫若文珠徇知之書光乎舊藁而綠苔生後賓客先傾鳳尾畫餘賢藩亦謝反復斯卷不勝憮然辛卯秋八月下浣

桂陽州重修試院記

桂陽州試院 國朝雍正十年朔乾隆四十八年修闕

卅餘載未修地寢下水侵暴土沮洳不勝載棟阿蒸出
菌又不勝頷顛使不卽治則殯且墟矣州刺史陳君同
治蒞此邦慨然思整懼無以飲也取諸民則懼民未孚
倡而弗和也政成五年民信其長乃攘臂以邪許倡民
皆諾遂積米提二萬餘進鄉老約曰某宜培某宜闢某
宜更怠者宜董撓者宜懲我職之我暇輒旦暮省支度
出入雖纖毫若職之毋以關鳩者庇者咸奮若營已室
增土至半丈宋檄皆良材先廊舍次堂廡次籓个庖漏
房其外陳以直中門令士魚貫入且避雨經始道光七

年夏五其年冬考室刺史嘆曰是剏也奚爲修彼昔之
剏何異積且墟耶今剏不告後後何以繼踰年夏余按
試斯乞文紀厥事余惟宙合之奇不於人卽於物桂寶
區也五金丹砂皆族故物羸而人絀今寶且衰而蠃蠃
鬱勃之氣猶是豈別有所洩耶抑人將羸而寶將絀耶
桂又瘠區也不足於穀乃羸於寶故可支今寶且賊民
穀益不足然邦君攘臂以邪許倡不旬日而朱提累萬
俱集不數月而工以蕞夫求試而利祿青衿員領事也
自把耰鋤逐什一者視之弗急也咸奮若是意者人皆

知重儒不吝竭其貲以爲重儒地而儒者亦從容受厥
福歟夫人不愛寶則寶之數絀人重儒則儒之數贏天
相人則磊落奇偉之儒生人順天則磊落奇偉之寶棄
使儒者徒受厥福而不自淑其身厲其學則不惟悖天
兼悖人多士勉乎哉異日名山尊大儒明廷尊大臣所
謂萃五金丹砂之氣而英英以寶見重者將必有其人
矣然非邦君倡於民重厥儒則倡無以應非把耰鋤逐
什一者皆知棄寶而重儒則無以荅邦君之倡蓋重儒
之一念上下相應所關甚鉅若廊舍寬則士舒堂廡寬

程侍郎遺集卷七

三
廣雅堂叢書

則校士者舒去風雨之患腫鑿之疾猶其末焉者也故
紀其犖犖大者

程侍郎遺集卷七

譚瑩玉生覆校